



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

27. De eleemosyna, quid sit.

urn:nbn:de:hbz:466:1-40916

cipue non facere eleemosynā, nec subuenire indigēti, oportet tractemus istam materiam de eleemosyna, & misericordia per quam cognoscetur, quale, & quantum peccatum siccum cordis obduratio.

De Eleemosyna quid sit.

CAPVT XXVII.

Eleemosyna non potest benē percipi, quid sit, nisi prius misericordia quid sit, cognoscatur. Est igitur misericordia, displicentia mali alieni, ad ipsi subueniendum inclinans. In qua descriptione duæ sunt partes principales.

Vna est, *Displicentia mali alieni*. Per misericordiam displicet homini miseria proximi, nolletque in malis eum esse.

Altera pars est, *inclinans ad subueniendum*. Per misericordiam enim, homini non solum displicet malum, & miseria aliena, sed inclinatur ad volendum ei subuenire, & malum ipsius subleuare, vt potest. Tractat S. Thomas, de hac virtute, 2.2. quæst. 30. Nascitur autem ex charitate, hoc modo, nam per charitatem homo vnitur cum suo proximo, ac malum illius, vi proprium, etiam sibi reputat, ac ex hac parte displicet. Nascitur etiam ex charitate, quia, cūm quis diligit seipsum, cūmque malum, quod est alteri, sibi posse accidere considerat, sic ipsum detestatur, sibique displicet: vnde Arist. i, Rhetor. dicebat, prudentes, & senes esse misericordes: prudentes quidem, qui considerant malum alterius etiam sibi accidere posse; sensi verò, quia timunt multū sibi malum. Et ob hanc cauam, etiam fœminæ, & miseri homines, ac formidolosi naturali quadam misericordia mouentur facile. Hoc supposito, potest sic describi, *Eleemosyna est opus, quo indigeni et alterius subueniuntur, ex misericordia procedens*. Velle enim subuenire, est actus misericordiae, & illud opus, quo talis subuentio fit, dicitur Eleemosyna. Quod verbum græcè idem valet, ac apud

Latinos misericordia. Solet enim nomen ipsum virtutis ipsi effectui attribui. Vide S. Tho. 2.2. q. 32.